

T 7903/1318 (27)

6

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 18 1961

耳

耳聾耳鳴有痰有火有氣虛有陰虛有肝火少壯悉屬痰火中年必是陰虛

陰虛兩尺脉大或左脉虛大體瘦色黑兼見口乾腸燥而耳鳴或聾者手足心必熱屬陰虛六味丸坎離主之

氣閉耳聾著惱而成通氣散効茴香木香人參玄胡索陳皮菖蒲各一錢羌活殭蚕川芎蟬腿各五分穿山甲二錢甘草錢半細末每服三錢

溫酒調下

肝火左脉弦急而數屬肝火其人必多怒耳鳴

或聾宜平肝伐木龍膽瀉肝湯不已龍蒼丸見

痛門

痰火右關脉滑而數屬痰火鬱于上焦宜清痰

降火二陳酒苓連柴胡枳殼或竹瀝薑汁下滾

痰丸佳見痰門

氣虛右脉大而無久或濡而細症兼倦怠口中

無味等內傷症者屬氣虛恒見勞碌之人或中

年病後得此宜加減益氣聰明湯

方用黃芪人參之甘溫治虛勞為君甘草之甘

平承接和協升麻之苦平微寒行陽明太陰之

經為臣葛根甘平蔓荊辛溫升發清氣為佐芍

藥酸寒補中焦順血脉黃蘗治腎水膀胱不足

為使用酒製炒者因熱用也春夏火盛可倍加

黃蘗胃弱者去之或加白朮

風熱耳根連牙床腫痛屬上焦風熱陽明少陽

二經受病清胃兼辛涼散之升柴芷翹荊防薄

治法彙編卷五
荷、甘桔、枳殼、酒芩、連、玄參、花粉、赤芍、鼠粘、生地
等、頻頻緩服、勢盛加蒸大黃、腫已消、但出水膿
不止、用紅末子吹之。耳門瘡鼠粘子湯佳
耳中忽大痛、如有蟲在內、奔走、或血出、或水、或
乾痛、不可忍、用蛇退燒存性、以鷺翎管吹入耳
中立止。

大病後及勞碌耳聾或鳴當作虛治須分氣血
一補陰一益氣

虛耳出膿汁或聾而鳴屬上焦風熱蔓荆子散

佳方用蔓荆、生地、赤芍、甘菊、桑皮、木通、麥冬、升
麻、前胡、炙甘草、赤茯苓、薑棗煎服。

耳鳴聾皆是陰虛火動滋腎丸虎潛丸或滋陰
百補丸俱好。

肝火脉弦而濡或數其人多飲屬肝經風熱木

香檳榔丸 見食門

耳聾以茱萸、烏頭尖、大黃三味爲末、津調貼湧
泉穴以引火下行、惟濁氣閉竅者宜之。

一方治耳痛以白礬枯吹入耳中及青礬燒灰

吹之妙

一方治耳痛停耳用桑螵蛸炙黃爲末加麝少許吹入耳中極妙或胭脂胚子蛀竹末加麝少許吹妙

耳根連及項或腫多在左邊脉弦數屬肝火恒見于婦女宜平肝降火兼舒鬱柴胡青皮香附撫芎梔子酒苓連歸芍貝母連翹玄參主之若腫而發寒熱有表症者荆防敗毒散之耳下結久硬且脹着惱便甚屬鬱越鞠主之

凍耳用楸攬核燒灰清油調傅雀腦亦可

又法凍耳瘡用栢葉三兩微焙末杏仁四十九枚湯浸去皮研膏亂髮鷄子大食鹽乳香各半兩細研黃蠟兩半先煎油令沸乃下髮以消盡爲度次下諸藥令焦瀝淨以慢火煎後下乳香黃蠟等攪勻每以鷺羽塗之

因害耳膿血結鞞成核塞耳用生豬脂地龍釜下墨研細以葱汁和捏如棗核綿裹塞入耳令潤取之

耳聾多恐者屬肝虛四物加防風羌活柴胡葛蒲茯苓神服二十餘貼却以杜壬薑蠲散開之

停耳

羅謙甫曰耳者宗脉之所聚腎氣之所通勞傷氣血熱氣乘虛入于其經隨鬱而成膿汁故謂之停耳也內服柴胡聰耳湯通氣散蔓子散外用紅綿散等吹藥如壯盛之人積熱上攻耳中出膿水不瘥用無憂散下雄黃丸瀉三四行妙耳瘡同法

耳瘡丸

白枯礬

五錢

麝

八釐

胭脂

二分

陳皮

五分

灰

五分

先用綿枝子纏去膿多用綿裹藥作丸塞入

耳中

通靈丸 治暴聾

松香

巴豆

二十粒為末

右將松香溶化下巴豆末葱汁丸蓮子大用綿裹塞過夜左聾塞右右塞左俱聾俱塞

取耳通氣散

郁李仁去皮芍藥

人參各五錢

大黃 山芋

官桂 檳榔三枚

牡丹皮 細辛去苗木香

炙甘草各二錢半

右末每服一錢空心温酒下

丹溪方治耳濕腫屬上焦風熱涼膈散加酒炒

大黃酒炒枯芩荆防羌活服之酒客耳聾耳鳴

俱効外以腦多麝少加枯礬吹耳中

犀角飲子治風熱上壅兩耳聾閉門外腫痛

及膿水流出

犀角 菖蒲 木通 玄參 古赤 小豆

赤芍 甘菊花各一兩 甘草五錢

每四錢生薑三片煎服

耳瘡

薛新甫耳瘡屬少陽三焦經或足厥陰肝血虛

風熱或肝燥生風或腎經風火若發熱焮痛屬

少陽厥陰風熱用柴胡梔子散內熱痒痛屬二

經血虛當歸川芎散若寒熱作痛屬肝經風熱

小柴胡加山梔川芎若兼內熱口乾屬腎經虛

火加味地黃丸不應八味丸
婦女多左聾以忿怒勝也
男子多右聾以色慾勝也
左耳聾屬少陽火龍蒼丸主之
右耳聾屬太陽膀胱六味丸主之
俱聾屬陽明通聖散滾痰丸主之

三錫曰耳鳴耳聾須辨新久虛實忽因大怒大
醉而聾或鳴者屬痰火分輕重治中年及體虛
或病後有此悉屬虛但分氣血耳古方有用鼠

膽猫尿凌霄花杵汁等滴耳者有用杏仁去皮
加鹽蒸熟捻油滴者有用草麻子去皮加棗子
一個同搗加乳汁和丸綿裹塞耳者有用蒜瓣
挖空納巴豆炮熟綿裹塞耳者有用雄黃巴豆
末葱涎和錠捲紙塞耳者有用蜀椒巴豆菖蒲
松脂以蠟溶作筒子塞耳者有用細辛蒲黃麩
末杏仁和丸塞耳者有加龍腦椒目者無非辛
散結潤透竅有餘暴起者或可取效若元氣不
足腎陰虧損虛火挾痰泛上閉住其竅而聾鳴

治法彙編卷八
者雖日滴時塞如蟻撼石終莫能動須大補氣
血滋陰制火使大氣上行充塞乎頭則九竅通
利聾暗咸除難經曰腎氣通于耳耳和則知五
音矣腎氣不得通于耳則耳不和而聾得上通
于耳則耳和而聰觀此則虛實判然矣一法石
蒼蒲削方條一頭插耳中一頭着艾灸之通氣
最妙又法用生烏頭鮮者掘得乘濕削棗大塞
耳日夜一易又法取磁石能吸鉄者豆大川山
甲燒存性爲末一字綿裹塞耳口中啣鉄覺耳

內如風雨聲佳又法甘草甘遂各半寸塞耳
將甘草嚼之皆暴起外截法

紅綿散治停耳出膿

白礬

錢二 胭脂胚

右研勻先取膿淨吹藥入耳或卽以綿纏藥

送入

壯盛者病耳膿稠通聖散一二服佳外以枯白
礬吹之日三次妙

白蓮散吹耳

治法身八卷
白礬杜 烏賊骨 黃連 龍骨各一兩

右搗末綿裹塞耳中日三易之

麝香散 治耳膿

桑螵蛸慢火炙 一個 麝另研

右為末研均摻耳如有膿先撚淨

又方五倍子焙乾一兩全蝎燒灰存性三分為

末吹之膿即乾丹溪方用貝母為末擦亦妙又

方馬黃散馬齒莧黃柏研末吹妙大都內宜服

去風熱藥或外用滑石石膏花粉防風各一兩

腦子少許研末吹耳膿不止陳橘皮燈上燒灰

為末麝少許研勻展淨吹俱佳

薑蝎散

乾蝎四十九粒用糯米半升同炒再用薑

為細末向晚勿食酒調作一服至二更

以此有聞

千金方

牡荊子二升碎之浸酒一斗七日任飲

蟲入耳

蟲入耳丹溪方用椒末一錢醋半盞浸良久少
少滴耳中蟲自出

又方桃葉搗爛塞耳蟲自出

百蟲入耳麻油灌耳卽出生慈生薑汁俱可

諸般惡蟲入耳搗韭汁灌之

諸蟲及虱入耳白膠香燒薰耳令耳孔暖自出
一人臭蟲入耳痛不可忍將生薑擦猫鼻其尿
自出取滴耳中隨愈用麻油滴亦可不如猫尿
之速也

蒼蠅入耳最害人速用皂角子研末調生鱧血
灌入耳卽出

蟻入耳以大韭搗汁灌耳妙又方以川山甲燒
灰以水濾過滴入耳中妙

一說蜈蚣及蟻入耳用猪脂一指大炙香塞耳
中或耳邊置鷄猪脯蟲聞卽出料鷄枕耳睡妙
蜒蜉入耳硎砂膽礬等分研細鷺翎管吹入耳
中蟲化爲水

飛蟲入耳用好米醋滴入耳內蟲必出不出卽

死曾有人被焦蟲入耳其蟲口硬如鉄用此滴
之蟲死而出 一法用鷺管極氣吸之出或擊
銅器于耳邊卽出
治蟒蛇入耳用半夏生爲末麻油調塗耳門蟲
聞卽出 一方用羊乳灌入卽成水牛酪亦効
如入腹卽飲酪二碗自消爲水
治耳中有物不出以細麻繩剪令頭散蘸好膠
入耳着物上粘之徐徐引出
治水入耳以薄荷汁點之立効

耳痒

聖惠方曰一人耳痒一旦作可畏直挑出血稍
愈此乃腎臟虛致浮毒上攻未易以常法治也
宜服透水丹勿飲酒啖肉淡滋味一月佳又一
人目赤黑珠傍暗赤成瘡耳中痒作腎臟風治
用四生散每作二三服卽愈時稱爲聖散
薛新甫曰聾鳴脉濡數黑瘦人屬血虛四物加
山梔柴胡若右寸關大于左無力倦怠色黃白
屬中氣虛補中益氣加減若血氣俱虛八珍湯

加柴胡若怒便聾或鳴屬肝膽濁氣小柴胡加
芎歸山梔虛用八珍湯加山梔○若午前甚者
陽氣實熱也小柴胡加黃連山梔若中氣虛亦
上半日劇補中益氣加柴胡梔子○午後甚者
陰虛也四物白朮茯苓○若腎虛火動痰盛作
渴者地黃丸胃中空宗脈虛上氣不足參芪爲
君升麻佐之○耳中閔閔然是無陰也又液脫
者腦髓消耳數鳴地黃丸○腎虛耳中潮聲蟬
聲無休止時妨害聽聞者當墜氣補腎正元飲

嚙黑錫丹間進安腎丸有熱者龍齒散○腎臟
風耳鳴夜間如打鼓聲四肢抽掣痛耳內覺有
風吹奇痒宜黃芪丸

柴胡聰明湯 治耳中乾聾耳鳴致聾方用柴
胡三錢連翹四錢當歸人參炙甘草各一錢
水蛭五分炒蝨蟲三個去翅足研末麝少許
除水蛭三味另研外水二盞薑一片煎一盞
下三味再煎一二沸服

柴胡梔子散 治上焦風熱及少陽經火耳內

作痒、生瘡、出水、痛、或胸乳間痛、寒熱往來、方
用柴胡、炒梔子、丹皮、茯苓、芍藥、歸白芍、牛旁子、
甘草、白朮、煎服。

當歸川芎散 治少陽經血虛、瘡毒、或風熱上
攻、耳內痒痛、或頭目不清、寒熱、少食、或婦女
經水不調、胸膈不利、痞滿、芍藥、歸白芍、柴胡、白
朮、炒梔子、丹皮、茯苓、蔓荊、甘草、隨症加減。

安腎丸

見喘門

黑錫丹

見嘔門

八味丸

見虛損門

加味地黃丸、卽六味丸、加柴胡、五味子。

目病

三錫曰、目病悉屬火熱、世俗之論也、須分新久
虛實、痰鬱氣滯、脾胃相火、或散、或降、或開鬱、或
養榮、或滋腎壯水、或益氣開痰、初無一定方、難
執一、昧者不察、一槩施治、寒涼傷其脾胃、辛熱
耗其神明、氣血愈虧、火邪愈熾、卒至盲瞽、良可
太息、間有業是科者、久眼亦知補養、多用地黃
滋陰、果陰虛相火盛者、固多利益、倘中焦氣虛
而有痰、因痰生火、爲目患者、服之寧不泥膈增

病耶諺曰眼不醫不瞎此言雖淺實為妄藥者之戒謹將今古眼科諸書鈎其玄微參以脉症縷析如左願與無盲于心者同治盲焉

暴發赤腫頭面發熱或時作寒脉浮弦者屬上焦風熱辛涼散之羌活荆芥升麻白芷薄荷酒芩枳桔甘草一二服加降火藥酒連梔子連翹赤芍歸尾白睛紅加豆寇少許

已經發散而腫痛不減脉弦數者為血熱壅痛宜涼血降火生地涼血為君赤芍歸尾川芎利

血為臣酒芩連龍膽草降火為佐荆防羌活甘桔薄荷為使

洗暴發赤腫杏仁去皮四箇歸尾赤芍各一錢防風黃連五分水半鍾加人乳半盃蒸洗

洗爛眼眶用銅青皮硝淨醃當歸黃連杏仁各等分如上洗點

年壯氣實之人或酒客膏粱輩積熱上攻于目痛不可忍連及頭者脉必實數有力涼膈散易酒蒸大黃瀉之見火門

體厚人發散降火久不愈胸膈痞悶食少倦怠者右寸關脈必沉而滑當從痰治二陳二木枳實為君少佐苓連間投小胃丹或滾痰丸胸坎一開火自降而明矣

見痰門

目昏赤服涼藥不已心下及兩脇脹悶脈沉而弦者屬氣鬱肝傷宜舒鬱和肝香附撫芎青皮柴胡梔子歸芍脈數實有力者當歸龍薈丸佳

見臨痛

婦人久鬱內脹昏暗者益氣養榮湯妙甚須多

服

體瘦目赤或痛脈數而細澁屬血虛有火宜養血降火四物易生地加玄參蔓荆連翹苓連稍久當滋陰益腎坎離丸或六味地黃丸俱宜

損門

陰虛火盛日久病多飲童便為上

黃白色體倦怠目昏懶睡食少心下不和脈緩或虛大無力屬脾胃弱而火盛宜補中益氣湯加蔓荆子玄參中年病後兼耳鳴多眵者益氣

聰明湯

九耳門

目昧不明、河間悉主于熱、固是的論、但未分熱之虛實爾、法曰、玄府者、萬物盡有、乃大氣升降出入之門戶道路也、眼耳鼻舌神識能為用、清明者、其神全也、血氣者、令之神、神衰則清明減而獨火炎上、火與元氣不兩立、火既熾則玄府塞、故曰攻耳斯曠、攻目斯矇、而口鼻舌可類推矣、一人病目、久不能視、涼藥盡試不應、診之兩手微弱、命服八珍、口麥冬、一月如舊、乃知飲食不

運腸胃枯澁、髮落皮皴、噎膈淋閉等症、目昏耳聾、悉由氣液血脈榮衛衰少、不能升降出入、虛火阻滯而然、故玄府閉小、濁火炎上、則視昏花、隔簾視物之象也、丹溪東垣治目昏、用參芪補養血氣、久眼靡不獲效、以氣血旺則玄府得利、升降清明乃復、古方羊肝凡用羊肝引黃連等入肝、解肝經諸鬱、蓋肝主目、肝中鬱解則玄府通利而明矣、故黃連之類解有餘之火鬱也、椒目之類解濕鬱也、芫蔚之類解氣鬱也、芎歸之

類解血鬱也。羌活、荆防、芷、辛之類，解經鬱也。磁石之類，解頭目鬱墜，邪氣使下降也。蔓菁下氣通中，皆治氣血鬱結，目昏有餘之法。

三錫曰：久病昏暗，責于血少。所謂目得血而能視也。不知血不自生，隨飲食化生。脾胃一虛，則納化艱而飲食少，飲食既少，是生化之源已澁，血何自而旺？目何得以養？過服四物，脾胃轉傷，目愈昧矣。治必先理脾胃，脾胃一旺，飲食如常，甘美血自生，而目有所得，昏暗頓愈。出根實葉。

自茂血者，木之津脉也。神光者，木之華葉也。脾胃者，木之根也。推此，則治病必求其本，豈欺我哉。

外障

外障屬風熱上壅，上下胞努肉培壟磨蕩其睛，久之生翳，敝其精明，障之命名。以此當消風散熱，外用點藥點之，稍久當審氣血脾胃。

內障

內障屬虛挾氣鬱，黑水神光昏翳，外似好眼而

不能照物，或外雖有翳膜，不痛不痒，惟不能睹。須分氣血脾腎治。左脉不足，或濡或細，體羸色蒼，是陰虛。四物坎離為主。右脉不足，或虛大，氣口大于左，或緩或濡，屬氣虛。四君為主。食少或不能運化，當健脾和中。枳朮丸調中，益氣湯選用。兩尺洪盛，或虛大兼頰赤，盜汗夢遺者，屬腎虛相火。四物加知柏、牡丹皮，宜各加家菊、蔓荊、荆防、升柴等佐使藥。多鬱脉沉，加香附、撫芎。內見傷及脾胃

羞明、火鬱于上也。火酒惡酒之義

須分虛實

瞳子散大，風熱所為也。火性散，挾風益熾，神光

怯弱，力不能支，亦隨而散漫，猶風起而水波也。

亦有過服辛散，縱恣燻炙，而致者，皆當視其有

餘不足，或除風降火，或養血安神，脉虛體薄，必

加五味子，以性寒體浮，酸以收之也。夫法宜收

四物去川芎，加苓、連、炙甘草、五味子，或六味地

黃丸加當歸、味子，大忌辛散。丹溪芎蔚俱禁，况

他藥取惟當歸辛而苦可用耳

丹溪曰諸經脉絡皆走于面而行空竅其清氣

散于目而為精走于耳而為聽若心事煩冗飲

食失節脾胃氣虧心火太甚百脉沸騰邪害空竅

而失明矣况脾為諸陰之首目為血脉之宗脾

虛則五臟之精華皆為失所不理脾胃養神血

乃治標而不治本也薛氏醫案載張給事目赤

不明服祛風散熱藥反畏明重聽脉大而虛此

因勞心過度飲食失節以補中益氣加茯神棗

仁山藥山茱五味頓愈又勞役復甚用十全大

補加前藥漸痊

一少年素嗜酒色兩目赤痛或作或止兩尺洪

大按之微弱余謂少年得此當失明翌早索途

而行不辨天日眾皆驚異余與六味丸料加門

冬五味數劑頓明

目分五臟

目之上下胞屬脾

銳眦屬膽與三焦

在外小脚為銳

皆在內近鼻者為內眦

上網屬太陽膀胱小腸

下網屬

陽明胃大腸 黑精神光屬腎 白精屬肺

白睛變赤火乘肺也 目胞赤腫火乘脾也

黑水腎光被翳火乘肝與腎也

治翳當辨其起自何經及翳形何色各加引經

藥如東垣治一婦綠翳自下而上知其陽明來

也綠非五臟正色殆肺腎相合而爲病耶乃就

画家以墨調膩粉合成色諦視之與翳同肺腎

爲病無疑乃瀉肺腎之邪乃以陽明藥爲使既

効他日復病者三其所從來之經與翳色各異

因詢此必經絡不調目病未已詢之果然用利

血藥養陰藥作丸服遂永不舉觀此則辨色分

經詎可略哉

眼有宜出血而愈者卽素問血實決之之義必

起初血熱盛者在太陽陽明二經乃可以二經

氣血俱多故耳他經出血其病轉劇故曰刺太

陽陽明則目愈明刺少陽陽明則目愈昏近世

有以草心于上下胞及兩眦打出血絲往往獲

功卽三稜針刺血之法惟可施之于有餘暴發

耳

迎風流淚氣血虛而有火火得風而內灼則淚出所謂肝熱則出泣也四物四君審用或加家菊荆子肝火盛者以貝母大者一枚胡椒七粒研細臨臥點之內服當歸飲柴苓芍藥甘草大黃人參滑石當歸水煎服

東垣曰眼生倒睫拳毛者由目緊急皮縮之所致也蓋內伏火熱而攻陰氣外行當瀉其熱眼皮緩則眼毛立出翳膜亦退用法攀出內臉

向外速以三稜針出血以左手指甲迎其針鋒立愈又目睚歲久赤爛俗呼赤瞎是也當以三稜針刺目眦以瀉濕熱而愈余按此二條乃急則治其標也苟氣血不清火邪內熾精明失職則隨刺隨愈焉保其不發乎縱清上實下養血滋陰目不輟口猶當清心寡慾遠風沙戒暴怒均勞逸一切膏粱酒麪悉屏除之內境得以清外竅自爽矣今人不知徒事醫藥不審虛實妄加治療又昧者日用鑷鑷去倒毛毛出風入爛

赤滋甚猶拔草春園也殊可咲、
能遠視不能近視屬陰精不足而火盛老人桑
榆之象能近視不能遠視屬陽氣不足而火盛
一屬氣虛一屬血虛此東垣至論猶當以脉并
所兼之症參之庶得肯綮、

眼眥初生小泡視其背上當有小紅點如瘡以
針刺破眼卽時瘥故名偷針余以爲背眥俱屬
太陽經刺背上乃所以瀉太陽經熱也不針眼
眥而針背偷針之義微矣、

夏枯草治目珠痛至夜猶甚者神效蓋目珠連
目係屬厥陰經夜甚及用苦寒藥點之反甚者
夜與寒俱陰也夏枯草有補養厥陰血脉之功
能活血行氣故珠痛除眼科宜多畜焉一方用
童便製香附一分夏枯草三兩爲細末食遠茶
清下一錢、

木賊能磨蕩器之不光者故用以磨翳蟬蠅蛇
蠅皆取退之義方書云人年五十膽汁減而目
不明余以爲五臟六腑之精華皆上注于目不

特膽也、得無精衰耶、
東垣治一人、因用猪肉煎餅、與醋蒜同食、復大醉、臥熱坑中、次日瞳子散大、視物無的、以小爲大、以長爲短、卒然見非常之物、行走踏空、諸方不應、乃以酒芩連泄熱爲君、歸身地黃養血涼血爲臣、五味子酸寒體收、瞳子散大人參甘草地骨皮二門、甘草枳殼苦甘補中爲佐、柴胡引經爲使、頓愈。

丹溪治一壯年人、早起忽然視不見、就睡片時、略見而不明、食減倦甚、脈緩大、重則散而無力、意其中濕所致、詢之果臥濕地半月、遂以白朮爲君、黃芪陳皮爲臣、附子爲使、十貼愈、且眼病而用附子、非微妙玄通者、烏足以識此、妙甚妙甚。

又一老人忽盲、他無所苦、作大虛治之、急煎人參膏、續續進、垂愈、一人予磁石藥、先生曰、今夜成矣、果然。

一人形實、好飲熱酒、忽兩目盲、脈瀼、乃熱酒傷

胃汚濁之血畜于內而然以蘇木作湯調人參末服二日鼻及兩掌皆紫黑先生曰滯血行矣以四物加蘇木桃仁紅花陳皮煎調人參末服數日愈夫眼病因脈瀦而知中有畜血精于脈固可彷彿以四物加蘇木桃仁紅花猶或知之至于畜血而用人參則非尋常可得而知者惟丹溪知之且血畜于中則冲和胃氣傷矣消痰藥中佐以人參助正伐邪胃氣得以行畜血因之而下至妙至神此丹溪所以為醫聖也

海藏治一女笄年病目每一月或二月一發紅腫難開如此三年服除風散熱藥反生翳從銳眥遮瞳人右目亦有翳從下而上經曰從內走外者少陽病從下上者陽明病乃少陽陽明有積滯也脈短而實長則似短潔古曰短為有積滯抑遏臟腑宜下之遂用溫白丸減川芎附子下之加膽草黃連如東垣五積法從二丸加起每日加一丸至大便利後減又從二丸起忽一日于便中下黑血塊如黑豆大而堅硬遂翳去

目明
小兒目病同大人惟劑差小耳外有疳疾痘後
班疹餘毒當別有法不可不辨

疳眼

小兒肥甘恣意寒暑不適生冷油膩傷脾糖麪
熱物助火因循積漸釀或疳疾渴而易饑善食
而瘦髮豎下泄腹脹鼻乾作誓誓聲久久不治
脾弱肝強肝火自燎其竅遂成目青多生翳膜
睫閉不能開眵淚如糊久而濃流乃中州弱而

清陽不升肝火盛而濁陰不降所致當升清降
濁以白朮人參先補脾胃為君柴胡枳殼輔上
藥理脾為臣蒼朮茯苓澤瀉滲濕降濁為佐羌
活蔓荊升麻川芎薄荷諸風藥勝濕為使乃正
治妙法

雀目

雀目病方書以為木生子亥旺于卯而絕于申
至酉戌之時木氣衰甚故不能睹至于日出于
卯之時木氣稍盛故復明余以為目得血而能

視血虛肝失所養則不能視夜屬陰人之血屬陰陰主靜而惡躁擾陰虛則火必盛弱陰不能制強火故夜轉劇昏暗而不能睹天明以陽用事陽主動火邪暫開故稍明故治必以養血為主兼理脾胃久之不治漸至于盲上說恐太遠王節齋曰眼赤腫痛古方用藥內外不同在內湯散用苦寒辛涼之藥以瀉其火在外點洗用辛熱辛涼之藥以散其邪故點藥莫要于冰片而冰片大辛大熱因其性辛甚故借以拔出火邪而散其熱氣古方用燒酒洗眼或乾薑末或生薑汁點眼皆此意也蓋赤眼是火邪內炎上攻于目故法先順其性而散之此用苦藥降之以治其本乃釜底抽薪也然火邪既客于目從內出外若外寒涼以阻逆之則鬱火內攻不得散矣故點藥用辛熱而洗眼用熱湯是火鬱則發之之義世人不知冰片為劫藥誤認為寒常用點眼遂致積熱入目昏暗瘴翳生又不知忌寒涼而妄將寒涼水物冷藥挹洗嘗致昏瞎者

比比皆是

勞役飲食不節、內障昏暗、蔓荆子湯妙、參芪炙甘草酒白芍、黃栢、蔓荆子水煎服。

眼痛用生地酒浸、搗爛盒眼上、又用草烏南星乾薑桂枝為末、醋調貼兩足心、時以牛膝膏洗眼。

肥人風熱上壅、眼目疼痛、防風、羌活

荆芥、酒芩、水煎服

瘦人目痛是血少兼熱、須養血清上、四物易

生地加、荆防、參苓、家菊、水煎服

血熱壅痛、脉數實、只有方者、四物加草龍膽防已

防風羌活、一云實熱上衝、眼痛用黃連瀉火、當

歸補血

黃連瀉火湯、治暴發赤腫疼痛

黃連八分、黃芩俱酒炒、生地各一錢、升麻五分

柴胡七分、水煎服

洗肝散、治風熱上攻、暴發赤腫、隱澁難開、眵

淚、薄荷、當歸、羌活、防風各去蘆、梔子仁

甘草

大黃

川芎

各二兩

共為末每服二錢食後白湯下

决明散 治日夜則昏暗雖有燈月不能睹責

之精衰

石决明

只研二錢

夜明砂

同

猪肝一具羯羊亦

司二味共為末以竹刀切肝為二片鋪藥

在中紮緊勿令藥走泔水一大碗砂鍋煮

至小半碗連肝汁服之意謂决明鎮腎益

精夜明升陽明目肝與肝合方甚有理余

以為非地黃無以益腎精非歸芍無以助

肝血加而用之可也

目昧不明河間一主于熱為熱氣鬱于玄府眼

耳鼻舌身神各失所司升降出入之機廢故視

不見也其理近是但有熱有虛實不可不辨初

起火盛氣濁鬱于上焦邪害孔竅宜散宜瀉是

實邪氣盛也久昏暗清氣不能上升九竅不利

虛火上攻耳鳴目暗宜補宜升是虛正氣奪也

內障先患一目次第相引兩目俱損者皆有醫

在黑暗內遮瞳子按黑暗連目系屬足厥陰足
大陽手少陰三經此三經氣血虛則邪乘虛
入經脈鬱結從目系入黑暗內翳龍木論所謂
腦脂不清流下作翳即足太陽之邪也又云肝
氣上衝成翳即足厥陰之邪也故治法以針言
之則當取三經之腧穴如天柱風府太衝等穴
是也其有手巧心諦者能用針于黑暗裏撥其
翳取効尤捷以藥言之則當補中疎通此三經
之鬱結使濁氣不上攻更審虛實

龍木論羚羊角飲子治圓翳內障不痛不痒

羚羊角三兩細辛 知母 車前子 人參

黃芩各二兩防風二兩半

右為末每服一錢水一盞煎至五分食後服

補肝散治肝風內障不痛不痒眼見花發黃

白黑赤或一物二形

羚羊角 防風各三錢 羌活 車前一兩

人參 茯苓各一兩 細辛 玄參

黃芩炒各一兩 右為末食後米飲下一錢

羚羊角散 治綠風內障頭旋目痒眼內痛瀝者

羚羊角 防風 知母 人參 茯苓 各一兩

玄參 黃芩 桔梗 各一兩 車前 細辛 各一兩

右為末每服一錢水煎服

羚羊角湯 治青風內障勞倦加昏重頭旋腦

痛眼內痛瀝

羚羊角 一兩 車前子 一兩 人參 半兩

羌活 各一兩 地骨皮 玄參 各一兩

右四方皆羚羊角玄參細辛羌活防風車前為

君蓋羚羊角行厥陰經藥丹溪曰羚羊入厥

陰經甚捷也玄參細辛行少陰經藥也海

截云玄參治胸中氤氳之氣無根之火之聖

藥羌活防風車前行太陽經藥也醫者宜辨

其翳從何經來本經藥中加玄參等清解藥

一升一降更審虛實如氣弱脉緩色黃白多

肉人必主以參芪朮草如益氣聰明湯補中

益氣湯相兼服之血虛脉澹蒼黑清癯人必

主以地黃丸坎離丸多鬱悶人更加夏枯草
芫蔚子香附之類以舒鬱散結更內觀靜養
不于塵累使陰氣平復藥乃有功

世俗見久眼動輒用羚羊角若病不在厥陰經
寧不引邪耶惟翳在黑珠者可用不則開門揖
盜

治目用黃連多矣而羊肝丸尤奇效用黃連末
一兩白羊肝一具去膜同于砂盆內研令細衆
手丸極大每服三十九溫水下輕者二料重

者三料障翳青盲俱妙氣虛加參芪血虛加歸
芍并加家菊

又方治內障

羯羊肝一具新熟地兩半兔絲子 麩仁

車前子 麥冬 地膚子去 五味子

澤瀉 防風 黃芩 白茯苓 桂心三錢

杏仁炒 細辛 枸杞 蔚子 苦苧蘆

青箱子各一兩

右為末煉蜜丸桐子大每服三四十九白湯

送下，日三服。一人久病目，方士為灸肝俞，遂失明。服此良愈。以餘藥予一盲者，服一日，覺燈下有一線亮，如門縫中見火。次早見翳膜俱烈，如線。又月餘，明如初。內經曰：肝虛則目眈眈無所見，耳汨汨無所聞。善恐，如人將捕之狀。海藏曰：目瞑肝氣不治也。鎮肝明目羊肝丸主之。

羯羊肝

一具新瓦盆中焙之，肝大止用一半。

甘菊

羌活

栝子仁

細辛

官桂

白朮

五味子

各半 黃連 三錢

右為末，煉蜜丸。桐子大，空心食前，白湯下，三四十丸。

補肝散 治肝虛失明。

青羊肝

一具新瓦焙乾為極細末。

蓼子

一合炒香。

右為末，食後服，方寸匕，日二，加至三錢，不二

料，可夜讀細字。

醫館錄云：赤眼腫痛，脾虛不能飲食，肝脈盛，脾脈弱，用涼藥治肝，則脾愈虛，暖藥燥脾，則肝益

盛惟于平和藥中倍加肉桂殺肝而益脾一舉而兩得傳云木得桂而枯是也此與別錄治脇痛之義相符人所不知者

羊肝治目以肝補肝也看所挾而兼用藥本草云細辛益肝膽氣故往往須之第辛散惟少佐乃可如肝血不足必加四物或佐甘菊蕤仁清風熱

素問曰久視傷血肝主血血傷則肝失養而目昏治必補血安神

房勞過度則傷腎腎主臟精腎傷精耗不能上榮于目多昏暗瞳人失神而生翳當滋腎陰六味地黃丸加五味當歸甘菊津液不足加二冬玄參兩尺脈大相火盛者加黃柏知母兩尺沉弱無火症者兼補右尺相火八味丸加兔絲枸杞覆盆楮實車前菴蓉隨病增損
左三部弦數有力或沉數內障不痛不痒或多眵淚是肝火被鬱也當歸龍薈丸主之
蘆薈丸

治黑水凝翳内障不痛不痒

蘆薈 甘草 人參 牛膽 栝子仁

細辛 各兩 羚羊肝 蜜炙 一兩

右為末煉蜜丸桐子大空心茶下十九

墜翳丸 治握月翳棗花翳等病微有頭旋額

痛者

青魚膽

青羊膽

里魚膽

各一錢 熊膽 二錢

牛膽

錢五 麝 少許

石决明 兩

右為末麪糊丸桐子大空心茶下十九

肘後方療目熱生翳並赤白膜取雀屎細直者

人乳和傅目上即消

烏賊骨主目中浮翳細研和蜜點之又骨末

目中熱有效

膽熱多眵昏暗十月間牛膽浸槐子陰乾百日

每空心吞一粒

又能黑鬚髮草决明性寒肝虛火盛日常病脉

弦數者宜之外方治失明取二升杵末食後粥

飲下一錢効又方補肝散用白瓜子七升緝集

盛沸湯中淖三次暴乾以酢五升浸一宿暴乾為末調下方寸七日三服可夜讀書按白瓜子平寒酸入肝亦肝虛有火治法也

能遠視不能近視當補腎滋陰地芝丸或六味地黃丸亦可

生地焙四兩 天門冬淨肉四兩 甘菊花二兩去萼

右為末煉蜜丸桐子大每服一百二十九空心鹽湯下

能近視不能遠視法當補心益氣定志丸至之

遠志六兩心苗二兩 人參一兩 白茯苓一兩 菖蒲一兩

右為末煉蜜丸硃砂為末彈子大臨睡龍眼湯化下

大法曰在腑則為表當除風散熱即暴發在臟

則為裏當養血安神久眼有體肥濁氣盛而生痰痰生熱熱生風風熱上攻目昏澁槐子散主

之此由胸中濁氣上行也重則為痰厥頭痛久之能損目常使胸中氣清自無此病有服涼藥

多損上焦氣目昏倦開者當補益養腎蒼黑瘦

人火盛腎水弱不能上榮于目，駐景丸主之。
人乳點眼，久病昏暗極效。以乳卽血變而成，月
得血而能視也。

槐子散 治肥人胸中氣不清，上攻頭目。

槐子 黃芩 木賊 蒼朮

各等分爲細末，臨睡茶清下。

上膈痰涎壅盛，痞悶上攻目，宜茶調散吐之，極

效。

寡婦僧尼血盛多鬱，肝脉實數，多目病，宜瀉肝

舒鬱

益氣聰明湯 治內障初起，視物漸昏，空中有

黑花，神水亦淡綠色，視一爲二，或神光變白。

屬氣不足之病。見耳門

撥雲退翳丸 治陽躄邪，內眦漸生赤脉，縷縷

根生于肉，肉生黃赤脂，橫浸黑睛，漸蝕神水。

皆銳亦然，俗名攀睛。

當歸 川芎 半一兩 家菊 荆子 各二兩

蟬蜋 五錢 蛇蠍 錢 蜜蒙花 二兩 木賊草 去節二兩

荆穗 地骨皮各一兩 楮實子 黃連各五錢

白蒺藜去刺炒一兩 花粉六錢 甘草炙二薄荷七錢 川椒錢

右煉蜜丸每兩作八九食後臨睡細嚼茶清

下右為奇經陽蹻為病而設也難經曰陽

蹻脉者起于跟中循外踝上行入風府上

屬于腦故以川芎入腦以治風菊花荆穗

薄荷清上焦黃連降火二蠅木賊蜜蒙退

翳解熱楮實地骨利小便引火下行椒紅

利五臟明目當歸和血

噓藥碧雲散 治腫脹紅赤昏暗隱澁難開鼻

塞頭痛腦酸外翳攀睛淚稠粘

鵝不食草二錢 青黛 川芎各一錢

右為細末先嚥水一口每用米許吹入鼻內

以淚出為度不拘時候此開鍋蓋法也當

令邪熱不壅結有出路然力小而銳噓之

隨應須頻噓之諸頭目病俱効

駐景丸 治肝腎氣虛兩目昏暗視物不明

車前兩炒二 熟地 當歸各五兩 楮實

川椒

炒各一兩

五味子

枸杞

兔絲子

酒製半斤

共為細末蜜丸桐子大每服三十丸空心酒

下

瑞竹四神丸枸杞揀淨分四分一分川椒一兩

同炒一分乳香苗香各一兩炒一分芝蔴一

合炒炒時先用好酒淘洗透各炒過去椒等

四味止用枸杞加熱地白朮茯苓各一兩同

為細末煉蜜丸桐子大每服五七十九丸空心

溫酒下加甘菊一兩尤妙

風痰眼用九節黃連和槐樹皮燒灰麤末熬湯

澄清洗眼或以人乳浸黃連洗亦妙

爛眶眼由上膈有積熱嗜酒多鬱人上焦氣不

清而成火火炎上薰蒸沿邊爛腫久生小蟲作

痒內服防風通聖散去硝黃細末酒拌晒乾依

法服之禁諸厚味料物外用紫金膏點之丹溪

方治爛眼二蚕沙用香油浸月餘重綿濾過點

之極効紫金膏飛過虢丹蜜多水少以器貯點

之又方用青泥蛆淘淨晒乾末仰臥用一錢

入眼中少時去藥

盧甘石散 治爛風眼以盧甘石不拘多少先

用童便煨七次次用黃連濃煎汁煨七次次

用谷雨前茶濃煎煨七次又併三汁餘者煨

三次乃放地一宿出火氣細研入冰片射香

點上神妙盧甘石煨時先用紫銷炭極大者

鑿一穴以安盧甘石

瑞竹堂用黃連歸芍薄荷防風蔓荊甘草各等

分煎汁淬甘石

育神夜光丸 治精衰眼昏

當歸全用酒洗遠志以甘草水煮挺去心牛膝去蘆淮慶者

地骨皮去骨酒浸兔絲子篋淨酒浸一宿加酒煮搗成餅日乾入藥

生地淮慶者酒浸搗淮熟地酒洗酒煮同生地木和中搗晒乾

枳殼去穰甘杞 甘菊去梗

共為末煉蜜丸桐子大每服五六十九空心

塩湯下食後温酒臨睡茶清亦可

病目多淚與涕初起清者辛散之久而濁者兼

降是陽明少陽受病也

熟地黃丸 治氣血兩虛不能制火相火妄行

上攻于目瞳子散大視物昏花法當養血涼

血收神制火

熟地兩一 甘草錢二 歸身錢五 柴胡錢八 黃芩兩半

天門冬去心錢三 地骨皮錢三 人參錢二 枳殼錢二

五味子錢三 生地半七錢 黃連錢三

右為末煉蜜丸每服一百丸空心鹽湯下忌

辛味

驗方治爛眼眶

薄荷 荆芥 細辛

右為粗末如香狀焚之以淨磁碗塗蜜少許

于內覆香烟盡刮取烟煤磁碗收貯風熱

多淚者皆可點之

目至春夏便發赤腫當舒鬱平肝酒芩童便製

倉朮製香附各一兩 南星薑製 川芎兩半 梔子 膽草

俱酒炒各一兩 陳皮 連翹 蘿蔔子蒸 青黛各半 柴胡錢二

共末神麩糊丸服

拳毛倒睫

木鱉子一個去殼爲末，綿裹塞鼻中，左塞右，右塞左，一二夜，其睫自分。

一法摘去拳毛，用虱子血點眼數次，妙。

點方 治火眼

臘月羊膽一枚，以蜂蜜灌滿，掛陰乾，用時取一粒，磁器內水化開點之。

二製黃連膏 治暴發赤腫眦粘澀

用雞爪黃連如連珠者，不拘多少，切碎洗淨，先將薑一大塊切作兩片，挖空，將連入薑內，

以線縛緊，用濕紙包裹，略煨少時，紙焦爲度，以紅棗去核，將黃連盛入棗內，少加礬末，亦可濕紙包裹，慢火內煨熟，待礬化，取出黃連，浸入人乳內點，妙不可言。

綱目用丁香、黃連、人乳煎汁注之，愈。此得辛散苦降、乳汁養陰之妙。

麩仁膏

麩仁淨仁一兩，用紙裹筆管碾去油淨，加白礬砂一錢，麝香三分，同研極細末，收入罐內。

貯之專去翳障妙甚

努肉攀睛

還睛散 治眼翳膜昏澁淚出瘀血努肉攀睛

川芎 膽草 草決明 石決明 荆芥

枳實 菊花 白茯苓 白蒺藜 麻子

甘草 木賊 川椒炒去子 仙靈脾 茵陳

共五錢 右為末每服二錢食後茶清下

治卒患赤目努肉作痛取好消梨一個搗汁黃

連三錢碎之以綿裹漬令色變仰臥注目中

努肉礙睛用礬石最白者納一黍米大于翳上

及努肉上即冷淚出綿拭之令惡汁盡努翳自

退

千金方 治目中息肉翳閉瞳子及生珠管

貝齒七枚燒為末 真珠等分

共研絕細點翳肉上五六度瘥

夜光膏 治遠年目病昏暗翳膜須用臘月開

日合

白沙蜜 四兩白色佳隔年葱一枝去鬚皮切段與蜜同熬去白沫以葱軟為

度以綿濾去渣冷定劑
紙干上面收去浮蠟
黃丹 蜜陀僧各

錢研俱才
飛過者
廿石 童便淨過者五錢水飛研
中用桃柳各一枝攪勻

赤芍 杏仁 湯泡去皮尖
當歸 各三錢
川芎 五錢

川黃連 去蘆頭
淨二兩
秦皮 防風 訶子皮

石膏 玄精石 井泉石 無名異

玄參 黛赭石 石決明 已上十五味各
三錢 雲水或長

流水煎濃汁二三次去渣將藥容一
同慢火熬紫金色入沒藥勿火急
乳香

沒藥 琥珀 硃砂 另研
麩仁 紙搗去油已
上五味各三

錢前四味先研細將麩仁水飛一同研細
方入前紫金藥內 同復熬一二沸以藥

滴水中不散為度大抵不可過與不及取
上中埋七日貯磁器中入後細藥四味各

錢麝分五 南硼砂 珍珠 龍腦 珊瑚枝

右五味研細亦以桃柳枝攪勻傾入藥中復

攪勻收確中點眼

飛絲入目用頭垢點入眼內即出

又方用柘樹漿點了綿裹筋頭蘸水繳拭涎毒

又方用火麻子一合杵碎井水一碗浸攪將舌

浸水中涎沫自流出茄子葉亦可

丹溪治飛絲入眼眼腫如眯痛澁難開鼻流清

涕用京墨濃磨以新筆塗目中閉目少時以手
掌開其絲自成一塊在白眼上却用綿輕輕惹
下未淨再塗

風颺游絲偶然觸入目內作痛若野蠶蜘蛛木虫之絲患尚遲
若遇金蠶老鶴絲其目不出三日迸裂也

治眯目鹽與豉置水中浸之視水其塵即出

稻芒入眼取蟬螬以新布覆目上待蟬螬從布

上行摩之其芒自出

塵物眯眼新筆塗墨自出

視岐亂見

邪中于精則視岐魄散神狂則亂見一驅邪一

安神

諸翳

圓翳

初患時見蠅飛花發垂蟻薄烟輕霧先患
一眼次第相牽俱圓翳如油點浮水中陽

看則少陰

滑翳

翳如水

澁翳

翳如凝

浮翳

翳藏

看則多

橫翳

橫如劍脊兩邊薄中央厚
宜針于中央厚處撥之

已上五翳皆先患一目向後俱損初患之時

其眼痛澁頭旋額痛雖有形俱難下針獨偃

月翳棗花翳黑水凝翳微有頭旋額痛者宜

輕針撥之

水翳 初患時頭額痛眼臉骨鼻頰骨痛目內赤

過經絡針其俞穴忌
出血外以針撥之
第相牽其翳一處厚一處薄宜先從厚處撥之
時痺痛先患一眼而後俱翳週迴如鋸齒輕針
撥去莫留短脚兼于所過之經針灸其睛

偃月翳 初患時微微頭旋
額痛先患一目次

棗花翳 初患時微有頭
旋眼流眼中時

散翳 翳如酥點乍青
乍白宜針撥之
黑水凝翳 初患頭旋眼滿
見花黃黑不定

翳凝結 驚振翳 頭腦被打築惡血流入眼內至
不定 必治牽損後 患者可針

雖不痛不痺其翳或黃或紅翳狀破散者中
心濃重者俱不宜針撥撥之不動者名外翳

忌撥獨黃心翳宜先服藥後針之若無翳者
名風赤不宜針

白翳黃心 翳四邊白中心黃先服逐翳散次針

之若先患一眼
足陽明經所過諸穴乃以金針輕撥

烏風 無翳但瞳人小三五年內
結成翳青白色不宜針視

肝風 無翳眼前多見虛花或白或
黑或赤或黃或見一物二形

五風變 初患時頭旋額痛或一
目先患或因久吐雙目

綠風 眼見花或
紅或黑
黑花 眼見
青風 勞倦
加重

俱暗瞳子
白如霜
見青
花

已上五風初患時頭旋額角連眼臉眉及鼻

額骨痛、眼內痛澁、先患一眼、向後俱損、無翳、
雷頭風變、先患、頭痛、或掉眩、惡心、嘔吐、先患一
目、次第相牽、俱損、瞳人或大或小、凝

雀目

蛤粉丸 治雀目、日落不見物、因濕痰在胃中
者。

蛤粉 研細 黃蠟 各等分

右溶蠟搜粉丸、棗大、每用猪肝一片、二兩許、
批開裹藥一丸、麻線纏入罐內、水煮熟、乘

熱薰目、至溫吃肝、以愈為度。

千金方

地膚子 五錢 決明子 一升

右二味為末、以米飲汁和丸、食後服二十丸、
至三十丸、至愈止。

又法用蒼朮四兩、米泔水浸一宿、切作片、焙乾、
為末、每服三錢、猪肝二兩、批開、糝末在內、用麻
繫定、粟米一合、水一碗、砂鍋內煮熟、薰眼、候溫
連肝服。

治雀目不計時用蒼朮一兩為細末每服一錢米飲下

小兒雀目屬肝脾二經脾弱者健脾肝虛者養血宜分兩途飲食面色如常但夜不能見物者還明飲妙大人亦佳

夜明沙 井泉沙 穀精草 蛤粉各等分

右為末煎黃蠟丸雞豆大三歲一九猪肝一片切開置藥在內麻扎緊沙瓶中煮熟先薰後服連肝食

小兒過用甜物口臭牙痛 腫氣口脉洪數屬

胃火瀉黃散妙

小兒肝經濕熱內甚上攻于目眼眵腹脹九味蘆薈丸妙兼脾虛痿黃瘦弱不食者間肥兒丸稟來陰弱有相火症者心虛少與六味地黃丸

說見家居醫錄

九味蘆薈丸 治三焦及肝膽經風熱目生雲

翳或癰癰耳内生瘡寒熱作痛或肌燥消瘦發熱作渴飲食少思肚腹不調或肝疳口內

生瘡牙齦潰爛或牙齒頹落頰頤腐爛食少下部生瘡

蘆薈五錢 胡黃連 當歸 芍藥 川芎

龍膽草酒炒 蕪荑冬一 木香 甘草炙各五錢

右為末，茯苓、神打糊、左麻子大，每服五七十九，滾湯下。

肥兒丸 治食積發熱眼目生翳

黃連炒 蕪荑炒 神麩炒 麥芽炒

右另末等分水丸，量兒大小加減。

海藏云：東垣治班後風熱餘毒，翳膜氣障遮睛，以瀉青丸治之，大効。保命集云：退翳膜妙不特班後，減大黃服，余以為肝經久蘊風熱，乃生翳膜。瀉青丸正所以拔病根也。

小兒班疹後，毒上攻于目，翳膜腫痛，脈實強壯，能食者，羚羊角散加減以解之，氣血虛而胃弱者，須以補養為先，而佐以解毒，斯得之矣。丹溪曰：犀角性升散，較諸角猶甚，痘後有餘毒者，用之如無餘毒，虛虛之禍，如指諸掌，眼醫不可不

知

痘瘡入眼、白睛翳者、决明散清之、不赤但翳膜
睛暗、蜜蒙散妙、翳膜不去、通聖散、蛤粉散俱佳、
或加二蛻

决明散

决明子

赤芍

各錢半

甘草

一錢

共為末、每服一錢、蜜湯調下、

蜜蒙散 治小兒痘疹及諸毒入眼、

蜜蒙花

錢半

青廂子

一錢

决明子

車前子

各分

右為末、羊肝一片、破開、摻藥在內、合紫濕紙

數重包裹、灰火中煨熟、空心食之、

通聖散 治小兒瘡痘入眼及生翳膜、

白菊花

一兩

茱萸皮

一兩

穀精草

去根

一兩

共末、三歲一錢、乾柿一個、生粟米泔一盞、同

煮、泔盡、去藥食柿、不拘時、日用二三個、近

者五七日、遠者半個月、佳、

蛤粉散 治小兒瘡痘入目、

穀精草

蛤粉

右爲末三歲一錢猪肝一兩批開摻藥在內
以竹葉包裹線束定水一盞煮熟入罐內
薰眼至溫取食之

二粉散 治小兒班瘡入目

輕粉分五粉霜錢一

右研勻結裏如患左睛塞左耳內右同之左
右俱患俱塞眼卽開得瘡亦隨愈

口病

三錫曰凡內有熱則口苦須分虛實外感寒邪
內傷飲食俱口苦乃邪氣實也久病虛熱或
勞碌太過相火上炎亦口苦正氣虛也故丹溪
以理中湯治口瘡服涼藥不効者爲中氣虛而
不制游行之火常遵用罔不獲効甚者加附子
或喻官桂亦可

寸洪數心熱口苦 寸浮數肺熱口辛 弦
數而虛膽虛口苦 洪數而實肝熱口酸

治法彙編卷之八 口病
關沉實脾胃有實熱口甜兼洪數者口瘡
或爲重舌木舌脉虛者中氣不足口辛
丹溪曰脾熱口甘三黃丸効此指實火而言若
脉弦滑兼膈雜屬痰火滾痰丸妙
口瘡多涎屬脾熱
平人口甜或渴或小便亦甜而濁俱屬津液不
是陽盛陰虛久之必發癰疽須斷厚味氣惱酒
麪每日服八味丸可保無虞
膽熱口苦謀慮不決所致小柴胡加麥冬酸棗

仁地骨皮遠志隨症加減河間益膽湯治謀慮
不決肝膽氣上溢而口苦者神効用人參炙甘
草黃芩各一錢茯苓神苦參各七分遠志一錢官
桂半分乃從治虛火法也

實火口瘡舌裂涼膈散妙脉數實有力者是
西瓜水亦妙無則燒瓜皮灰傅之

肝膽有實熱口酸苦小柴胡加甘草青皮之類
甚者當歸龍蒼丸

謀慮不決肝膽虛而口苦小柴胡人參遠志茯

神、甘草爲君、柴胡、膽草爲佐、甚者錢氏地黃丸、
乃虛則補其母也、

口淡屬胃熱、亦有虛實、病後自是胃虛、參朮爲
主、
膀胱移熱于小腸、膈腸不便、上爲口糜、生瘡、潰
爛、心胃壅熱、水穀不化、此條出素問、東垣有柴
胡地骨皮湯云、治此、大便實者、加硝黃、世未知
用、姑俟來者、飲酒多此、易老用五苓導赤相合
服之、

胡氏方、用好墨、研螻蛄極細、傳之立效、按此治
膀胱移熱于小腸之正治也、螻蛄專走水道、有
餘者、宜虛人戒之、

口瘡甚者、含焰硝、研砂、勿開口、外用南星末醋
調貼足心湧泉穴、以引熱下行、

又方、五倍子一兩、黃柏、蜜炙、滑石各半兩、銅絲
半兩、麝香爲末、搽之、一法五倍子煎湯漱、或
加白礬、膽礬、

治唇緊裂生瘡、用青皮燒灰、傅之立愈、又方、

以皮紙紙撚干刀上薰取瀝傳妙口糜破野
薔薇根煎漱之

口瘡不愈枯礬黃丹妙搽搥霜梅燒存性各
一錢人中白錢半麝少許研極細摻之甚者加
硼砂半錢片腦一分

赴筵散 治赤白口瘡神效

黃栢 青黛 蜜陀僧各等分

右為末乾貼瘡上

黑參丸 治久口瘡

黑玄參 天門冬 麥門冬俱去心各炒一兩

右為末蜜丸彈子大每服一九線裏噙口中

燕津液

既濟丹 治暴起口瘡

乾薑 黃連各等分 右為末搽之流涎即愈

升麻散 治上焦壅毒口舌生瘡咽喉腫痛服

涼藥不效宜升散之

升麻 人參 硼砂 焰硝 生甘草

右研極細傳之喉痛用吹

赤口瘡

白礬 沒藥 乳香 銅碌 為末摻之

白口瘡

雄黃 沒藥 乳香各一錢 輕粉一錢

一方有巴霜一錢用者當酌之如上法

小兒口瘡不下食以礬湯浸足更以黃栢蜜

殭蚕炒為末傅之

柳花散 治口舌生瘡

玄胡索兩 黃栢 黃連各半兩 蜜陀僧

青黛二錢 共末搽瘡上有涎吐去

口疳臭爛當清胃火外用椒欖燒灰存性為末

先用米泔水洗淨後摻上藥

口瘡有實火有虛火膏梁厚味釀毒上攻心火

自炎脉數實有力者實火也涼膈加減或三補

丸金花丸傅綠袍散蜜蘖散外用細辛黃栢末

傅之胡氏以好墨研蝮蝮極細傅之力峻氣猛

惟實火則可 勞碌費心食少不眠虛火上炎

氣口脉大而虛虛火也理中湯參朮甘草補中

氣薑附散虛火接引下行且助補劑成功又有
下焦元陽虛冷迫火炎上成口瘡者用巴戟白
芷高良薑末豬腰子煨服有用丁香松脂胡椒
細辛末蘇木湯調塗瘡上及不任食者有用當
歸附子白蜜含嚥者有用生附塗脚心者有用
莫茱末醋熬膏入生地龍末塗足心者皆是治
龍火按陽虛不能上騰下焦虛火泛上故用熟
劑或散或降接引下行也方書虛寒迫火上攻
似太鑿

薛新甫曰口瘡屬上焦實火中焦虛寒下焦陰
火各隨傳變所致如發熱作渴喜冷脉數實實
熱也涼膈加減倦怠食少勞役人脉虛大中
氣虛也輕則補中益氣湯重則用六君子湯
飲食少思大便不實人參理中湯手足逆冷
肚腹作痛中氣虛寒也附子理中湯嘔熱內熱
不時而熱血虛也八物加丹皮五味麥冬發熱
作渴唾痰小便頻數腎水虧也加減八味丸食
少便滑面黃肢冷火衰土虛也八味丸日晡發

熱或從腹起陰虛也四物參朮五味麥冬不應
加減八味丸若熱來復去晝見夜伏夜見晝伏
不時而動或無定處或從脚起乃無根之火也
亦用前丸及十全大補加麥冬五味更以附子
末唾津調搽湧泉穴若槩用涼劑損傷真氣爲
害非輕

口臭

年高水弱奉養太過厚味及服食補陽藥口糜
臭不可近甘露飲妙及濃煎香薷汁含之徐徐
嚥下口中如膠而臭知母地骨皮桑白皮山梔
麥冬甘草盪煎湯嚥下起早汲第一汲水含漱
吐厥中心氣不足益智子加甘草爲末點湯壯
盛人涼膈散一二服佳痰壅氣濁而臭宜盪湯
探吐

繭唇

謂唇腫如繭也

上唇俠口屬手陽明大腸經下唇俠口屬足陽
明胃經燥則乾熱則裂風則瞶寒則揭若唇腫
起白皮皴裂如蠶繭名曰繭唇有唇腫重出如

繭者有本細末大如繭如癰者或因七情動火傷血或因心火傳脾經或因厚味積熱傷脾大要審本證察兼證補脾氣生脾血則燥自潤火自除風自息腫自消若患者忽略治者不察妄用清熱消毒之藥或用藥線結去反為翻花敗症矣腎虛唇繭時出血水內熱口乾吐痰體瘦宜濟陰地黃丸肝經怒火風熱傳脾唇腫裂或患繭唇宜柴胡清肝散胃火血燥唇裂為繭或牙齦潰爛作痛宜清胃散或加芍藥川芎

水二鍾薑三片煎八分食後服
五福化毒丹 治上焦熱毒唇舌生瘡腫破煩渴

玄參 桔梗 各二兩 人參 半兩 茯苓 兩 馬牙硝

青黛 麝香 三分 甘草 七錢

右為極細末研勻煉蜜丸皂子大金箔四十張為衣每一丸或二丸薄荷湯下

此藥為末和水銀磁器中臘月猪脂和如泥光澤

胡可治脾胃肝膽經熱風熱傳脾唇口潤皴或
頭目眩四肢浮腫如風狀宜羌活散風熱客于
脾唇燥裂無色宜瀉黃飲子中氣傷損唇口生
瘡惡寒發熱肢體倦怠宜補中益氣湯思慮傷
脾血耗唇皴宜歸脾湯意思過度蘊熱于脾
濇裂無色唇燥口乾生瘡年久不愈內服五福
化毒丹外用橄欖燒灰末猪脂調塗或用核中
仁細研傅之又硫黃白礬灰朱砂水銀麝香黃
蘖爲末和水銀磁器中臘月猪脂和如泥光淨

拭唇却以膏塗之。又八月藍葉絞汁洗，不過二日瘡。又訶子肉五倍子等分爲末，乾貼。又黃連一分，乾薑半分，炮爲細末，傅之。又大銅錢四文，石上磨，以猪脂磨取汁塗。又蛇蛻灰晚蠶蛾末，油調敷。又以醃上滴下汗傅之。白荷花瓣貼之，皆効。

瀉黃飲子 治風熱在于脾經，唇燥裂無色。

白芷 升麻 枳殼炒 黃芩 防風各一錢半

半復薑湯泡七次 石斛一錢二分 甘草七分

舌

三錫曰：心開竅于舌，心火盛則舌乾，或破脉洪實有力者，黃連瀉心湯加減。

右脉虛大，四肢倦怠，而舌瘡破不愈，屬勞役過度，虛火炎上爲患，補中益氣湯主之。

酒客膏粱積熱內盛，上焦痰實，舌腫脹，防風通聖散，或涼膈散瀉之，須脉實有力，氣壯乃可。

舌強腫如猪胞，以針刺舌兩邊大脉，血卽消，勿刺中央，令人血不止。乃以火燒銅筋烙之，或以

雜草燒鍋綉醋調傅舌上下脫去再傅須臾卽
消此病人多不識失治則死凡舌腫舌下必有
如蟲形有頭有尾頭小白可燒釘烙頭卽消
喉舌之疾藥不能達惟針刺出血爲上急刺則
可

上焦痰熱壅遏勢挾相火則病速而危毒氣結
于舌下復生一小舌名子舌脹但腫大而強無
小舌者名木舌脹二者方書皆隸之咽喉十八
風今拈于此大都痰火爲患耳緩者用辛凉利

氣化痰藥重者無如針刺勞神不睡口舌破者
自當安神養心作心虛治

經驗方治舌腫大塞口不能飲食用真蒲黃一
味頻刷舌上若能吃藥卽以黃連一味煎濃汁
呷之以瀉心火

舌上有竅出血不止炒槐花末摻之

熱病極者多舌出有病愈而不止者冰片摻舌
卽上

舌暴腫大出外兔麻子油蘸紙作撚燒烟薰之

卽消牛舌病亦可。心熱則裂而瘡木舌重
七情所鬱則舌腫滿不得息宜舒鬱清上焦外
烏星薑末貼手足心。心熱則裂而瘡木舌重
舌宜三黃丸真蒲黃擦之或升麻湯加苦參桔
梗玄參黃芩又白礬大黃朴硝擦漱又醋調五
靈脂末烏賊骨真蒲黃末塗之。脾熱則滑而
胎脾閉則白胎如雪宜薄荷汁白蜜薑片揩之
肝壅熱則血上湧宜蒲黃或槐花末摻之服清
肝藥。薛新甫曰如口舌腫痛或壯如無皮或

發熱作渴爲中氣虛熱宜清熱補氣湯。若眼
如薰觸體倦少食或午後血甚爲陰血虛清熱
補血湯若咽痛舌乾口乾心熱日晡益甚爲腎
經虛火六味丸。若四肢逆冷惡寒飲食或痰
甚眼赤爲命門火衰宜八味丸。若發熱作渴
飲冷便秘爲腸胃實火宜承氣散。若惡寒口
乾喜湯食少體倦爲脾經虛熱宜加味歸脾湯
若舌本強腮頰腫痛爲心肝壅熱宜玄參升麻
湯。痰盛作渴口舌腫痛爲上焦有熱宜清熱

化痰湯 若思慮過度口舌生瘡咽喉不利為
脾經血傷火動宜加味歸脾湯 若恚怒過度
口苦舌腫為肝經血傷火動宜小柴胡加丹皮
山梔虛者八珍加柴胡丹皮甚者加炮薑
舌出不收

心經熱甚及傷寒熱毒攻心及傷寒後不調攝
往往有之宜珍珠末水片等分傅之或用巴豆
去油取霜用紙卷之內鼻中舌自收 婦人產
後舌不收以硃砂末傅其舌乃令作產子狀以

清熱化痰湯 治上焦有熱痰盛作渴舌腫痛

貝母 花粉 枳實 桔梗 各一錢 黃芩

黃連 各一錢 二分 玄參 升麻 各七分 甘草 五分

水煎服

六味丸 俱見虛損門

八味丸 俱見虛損門

涼膈散 見火門

加味歸脾湯 原方加當歸 山梔丹皮

二女掖之，乃于壁外累盆盎，置危處墮地作聲，
聲聞而舌上矣。開口角涎不止，牛黃清心丸
佳。有喜唾者，二朮二陳，芩連，梔栝，加竹瀝薑汁
妙。病後喜唾，胃口寒也。六君子加益智，或理
中湯。

清熱補氣湯 治中氣虛，虛火泛上，口舌無故
皮破，或發熱作渴，或勞神不睡，有此四君子
加五味、麥冬、玄參、歸芍、升麻，水煎服。甚則加
炮薑，不應加附子。右寸關必虛大。

此頁文字極其模糊，似有方名及藥材，但難以辨認。依稀可見「六君子」、「清心丸」等字樣，應為正文之影印或抄錄。

清熱補血湯 治口舌生瘡體倦食少日晡益

甚或目澀熱脈細數四物加黃柏知母玄參

五味子牡丹皮柴胡麥冬水煎服如不應補

中益氣湯加五味子

玄參升麻湯 治心脾壅熱舌上生瘡木舌舌

腫或連頰兩項腫痛

玄參 升麻 犀角 赤芍 桔梗

貫衆 黃芩 甘草

各等分水煎食遠服

鼻

三錫曰肺開竅于鼻世所共知也然陽明之脈

挾鼻絡目結于迎香左之右右之左去鼻孔各

開五分是穴風邪從面而來則入陽明脈道拂

鬱氣不通暢故清涕時出久變為濁所謂外寒

束內熱論極有理須辛散之方書多用升麻葛

根白芷葱白乃陽明經藥也鬱熱既久頓發不

開必加辛涼酒枯芩薄荷之類至如酒客膏梁

辛熱炙燂太過火邪炎上孔竅壅塞則為鼻淵

鼻中濁涕如湧泉漸變鼻衄衄血息肉鼻痔等
症卽素問所謂膽移熱于腦之義

鼻塞時值寒月必加麻黃細辛于升麻葛根湯
中佐以枯芩蘇葉多加甘桔爲舟楫庶易成功
已經發散未得全開脉洪有力口乾鼻燥者君
以辛涼清之酒芩梔子薄荷之屬仍佐荆防升
芷不可驟用寒涼法也

氣虛之人氣弱不能上升則鼻塞滯所謂九竅
不利腸胃之所生是也多服補中益氣湯自通
乃屢驗者

戴復菴曰平人多涕或黃或白或帶血如膿狀
皆腎虛所生不可過用涼劑亦有痰用南星散
兩寸脉浮洪而數爲鼻衄鼻鼽 右寸脉浮緩
爲傷風鼻塞清涕

丹溪曰鼻爲肺竅肺家有病而鼻不利也有寒
有熱暴起爲寒久鬱成熱寒傷皮毛氣不利而
壅塞熱壅清道氣不宣通先須表散後以酒芩
連梔子清之

久患鼻膿極臭者冷水調百草霜末服

腦漏氣弱色白人右氣口虛大補中益氣湯加

川芎防風細辛白芷辛荑半飽服

酒醯鼻乃熱血入面為寒所拂熱血得寒污濁

凝滯而然服前藥外用梧桐子取油入黃連以

天吊藤燒油熱傳之

又方用山硫黃入蘿蔔內煨乳香輕粉烏頭尖

酥調傳或用膽礬傳之

面鼻紫黑面為陽中之陽鼻居面之中一身之

血運到面鼻皆為至清至精之血多酒之人酒

氣薰蒸面鼻得酒血為極熱熱血得寒污濁凝

結而不行故色紫黑治宜化滯血生新血四物

加酒片苓紅花酒浸陳皮茯苓甘草生薑煎調

五靈脂末服氣弱者加黃芪

酒浸

上焦火盛酒客膏梁脉洪數有力而面生酒刺

及糟鼻山梔仁酒浸微炒為末蜜丸彈子大臨

臥嚼一丸白湯下或加連翹仁更佳

鼻淵濁涕如淵內經謂膽移熱于腦則入額鼻

淵要皆陽明伏火所致防風通聖散一兩加薄
荷黃連各二錢半水煎服一法本方硝黃滑
石石膏減半倍加辛荑

鼻中息肉塞久氣不通用枯礬為末面脂綿裹
塞耳中數日自消乃屢驗者又法用木通細辛
附子炮蜜和綿裹塞鼻中又用防風通聖散加
荆三稜山茱萸肉海藻并用酒炒為末每服錢
半酒調下

宣明防風散 治鼻淵濁涕不止久而不已必

成衄

黃芩

人參

甘草

川芎

麥門冬

去心

各一兩

防風

半兩

右為末每服二錢沸湯調食後服日三

寒月鼻塞不聞香臭晨起者麗澤通氣散

黃芪

蒼朮

羌活

獨活

防風

升麻

葛根

甘草

麻黃

嚴寒加

川椒

白芷

各二分

薑三片棗二枚葱白三寸水二鍾煎一鍾溫

服忌一切冷物及風涼處坐臥

鼻中流臭黃水腦亦痛名控腦沙有蟲食腦中
用絲瓜藤近根三五尺許燒存性為細末酒調
服即愈 不已灸法妙 顙會在鼻心直上入髮
際二寸再容豆是穴灸七壯 通天在顙會上一
寸兩傍各一寸灸七壯隨臭左右灸常晃灸後
去臭肉一塊從鼻中出臭不可言而愈

塞鼻藥

通草散 治鼻雖氣不通不聞香臭

木通 細辛 附子 各等分

右為末蜜和綿裹少許納鼻中

菖蒲散 治同上

菖蒲 皂角 各等分

右為末綿裹塞鼻中

痰火鬱結于上焦胸中盲瘻之上上竅不通則
玄門閉密而鼻不聞香口不知味或耳聾日昏
良由大氣弱不能上衝濁氣得以擅權是虛為
本而痰火為標也當補中益氣加升柴諸風藥

引上行兼用清上化痰開竅丸藥戒性慎口久之自全此錫屢驗者

鼻淵

火鬱上焦氣不通抑遏成涕內經所謂肺熱則出涕是也方書謂腦滲為涕恐非

防風湯 治同上

防風 半兩 黃連 人參 甘草 炙 川芎

麥冬 去心各

右細末每服一錢沸湯點服日三

丹溪治一中年人右鼻管流濁且臭脉弦小右寸滑左寸瀯灸上星三里合谷次以酒苓二兩蒼朮半夏各一兩辛荑川芎白芷石膏人參葛根各半兩分七貼服之全愈乃痰鬱火熱之疾也

防風通聖散去硝黃減石膏滑石一半加辛荑先服三五貼再用此為丸早晚白湯下半斤愈
蒼耳散 治鼻流濁涕不止

辛荑 兩半 蒼耳子 炒二錢半 杏白芷 兩 薄荷葉 五分

右為末葱茶湯臨睡下
冬月勢盛者辛荑散佳

辛荑 細辛 藁本 升麻 川芎

白芷 木通 防風 甘草

右為末每服一錢食後茶清下

鼻鼈 謂流清涕也

丹溪曰肥人鼻流清涕乃飲食痰積也要亦濁
液挾火壅塞而然

蒼朮 片苓 南星 川芎 白芷

辛荑 甘草

或末或丸白湯下世傳鼻流臭膿百草霜研
細冷水下三錢効

塞鼻藥 治鼻鼈

通草 辛荑 各五分 細辛 甘遂 桂心

芎藭 附子 各一兩

右為末蜜丸麻子大綿裹塞鼻中

又方辛荑膏 治同上

細辛 川椒 乾薑 川芎 莫茱萸

治法
辛荑

附子

各三分

皂角屑

半兩桂心

一兩

猪脂六兩

右煎猪脂成膏先一宿以苦酒浸前八味入

油煎附子黃色止以綿裹少許塞鼻中

息肉

羊肺散 治肺虛濕熱壅塞鼻生息肉不聞香

臭

羊肺

一具白朮

四兩茯苓

木通

乾薑

川芎

各兩

右為細末水調灌羊肺中煮熟焙乾細研為

末食後米飲下此從治法也

三錫曰息肉必由上焦積熱鬱塞已久而生然

有諸中然後形諸外必內服清火利膈藥二陳

涼膈加減須斷酒薄味

韓氏醫通曰雨霽地生菌息之像也

一中貴鼻中肉贅臭不可言痛不可揉束手待

斃以白礬末加礪砂少許吹上化水而消內服

勝濕湯加瀉白散

又一方息肉因胃中有食積熱痰流注治本為
佳

蝴蝶礬錢一細辛錢一白芷分五

右為末綿裹塞鼻孔頻換又方蝴蝶礬二分
號丹一分細辛一錢如上塞之三因方枯
礬一味為末綿裹塞鼻中數日息與藥俱
落

辛萸膏 治息肉時作痛

辛萸二兩細辛 木通 木香 白芷

杏仁湯浸去皮尖各半兩

右用猪脂髓猪脂二兩和藥于石器內慢火
熬成膏放冷加龍腦麝香合一錢為丸綿
裹塞鼻中數日內脫落

有人卒食物從鼻中縮入腦中介介痛不得出
以牛脂或羊脂如指頭大內鼻中以鼻吸入須
臾脂消物逐脂出也

輕黃散 治同上

輕粉 杏仁湯泡去皮尖及雙仁各一錢雄黃兩半

麝許少

右四味用淨乳鉢先研杏仁如泥後入雄黃麝香同研極細磁盒蓋定每有患者不拘遠近夜臥用筋點米大在息上半月效

消鼻痔方

瓜蒂炒 甘遂各四錢 白礬枯 螺青炒

草烏尖各五分炒

右為末用真麻油搜和令硬些不可爛旋丸如鼻孔大用藥入鼻內令達痔肉上其痔

化為水日一次妙甚

又方

苦丁香即瓜蒂 赤小豆 丁香各四個

慢火焙乾為末入腦少許口中先含水次將小竹管吹藥入鼻中如半鍾茶時覺頭痛時取下

酒齧鼻

鉛紅散 治風熱上攻陽明經絡面鼻紫赤刺癢俗呼肺風以肺主皮毛也

治法要八卷
硫黃 白礬灰 各五錢

右細末入黃丹少許染與病人面色同每上

五分津液和塗之臨臥洗漱罷行之

赤鼻須內服升麻湯下抑青丸以治其本

又方

枇杷葉 一兩去毛陰乾新者佳 梔子 苦參

蒼木 米沿浸各等

右為末每服三錢空心服先退左紅臨睡服

先去右邊

一方用硫黃一兩白果燒灰一錢琥珀三分輕

粉五分白礬五分各為末燒酒一碗入酒浸藥

封固重湯頓一二時放冷日用燒酒塗夜用沉

底藥塗妙

檳榔散 治鼻赤

硫黃 各等分 片腦 許少 檳榔

右為細末用粗絹帛包時時于鼻上搽磨妙

又加草麻子肉為末油調臨睡搽

一法硫黃入大菜頭內煨碾塗之或以白礬研

未洗時置掌中酒滴搽患處數日即白鹽亦可
烏犀丸

烏犀角

鎊

羚羊角

鎊

牛黃

研

柴胡

淨各一兩

天門冬

去心焙

丹砂

研

貝母

胡黃連

人參

各半兩

麥冬

去心焙

知母

各七錢

黃芩

炙甘草

各二錢半

右共末煉蜜丸桐子大每服二十九空心温

酒下

椿根湯 治疳蝕口鼻

椿根

升一

葱白

升半

豆豉

升半

鹽

半合

川椒

去目并合口者

炒出汁一合

右一處醋及清泔各三碗煎一碗分三次服

有惡物下即効小兒量大小加減

烏香散

治鼻疳侵蝕鼻柱

草烏

燒灰

麝香

研各等分

右研極細以少許貼瘡上

人參順氣散

治感風頭痛鼻塞聲重一切上

焦風熱先用此疏通氣道即理中湯加乾葛

苦梗川芎厚朴陳皮白芷麻黃薑棗煎服或
加葱白

葫蘆酒 治鼻塞眼昏頭疼腦悶

右取苦葫蘆子搗碎酒浸春三夏一秋五冬
七日少少注鼻中一方用童便浸

黃蘗苦參檳榔為末猪脂調傅

鼻痛風火鬱于上則痛初宜升麻葛根白芷散
之有氣道壅而痛人參頰氣散

鼻瘡內服烏犀丸 甘露飲 黃連阿膠丸

外治地黃煎辛荑膏 杏仁青黛枳花研乳汁

傳 鼻疳蝕 椿皮湯 烏香散 藍錠傳

鼻塞眼昏疼痛濕在上也苦葫蘆酒



